



UNIVERSITÄTS-  
BIBLIOTHEK  
PADERBORN

**ITINERARI[I] || ITALIAE || RERVMQ. ROMANARVM || LIBRI  
TRES ||**

**Schottus, Franciscus**

**Antverpiae, 1600**

Villae Romanorum.

---

[urn:nbn:de:hbz:466:1-70633](https://nbn-resolving.de/urn:nbn:de:hbz:466:1-70633)

Sed quis ea nunc distinguet, aut in tabulas referet? Alterius opus commentarij hoc esset, atque iusti voluminis.

## VILLAE ROMANORVM.

**V**Illas tantum nobiliores percurrere, non incongruum erit studiosorum in gratiā. **L. Luculli** illa celebris hiberna in continente ad Miseni promontorium regebat collis alti verticem cum clivis vicinis inter classis portum, & Baianum sinum: ubi C. Marij à L. Sulia proscripti villam à Cornelio prius comparauerat, eandemque prætoriis, hortis, atque piscinis sumptuosissimis ampliarat. Hortorum spacia discernuntur adhuc Cumas versus, non procul à Centumcellis: & piscinarum grandia vestigia in Baiano litore cum cryptis & stagnis in montem excisis, quæ piscibus æstate contra solis ardores erant manufacta refugia. Quemadmodum & M. Varro de re rustica luculenter meminit, scribens L. Lucullum potestatem architectis suis fecisse dilapidandi pecuniam quantancunque ad facienda piscibus æstiua contra calores sub montibus stabula: atque opere hoc absoluto dicere solitum, se non amplius inuidere Neptuno bonitatem piscium. Adeo non uno loco prætoria, & piscinas suas habuisse videtur. Et apud eundem Q. Hortensius orator redarguit M. Lucullum, quod non eandem, Lucij fratri sui exemplo, piscibus commoditatem æstiandi extra solem in frigore fecisset in suis viuariis. M. Luculli villam autem fuisse ad radicem Miseni in litore versus Prochyten, ubi & sub vndis visuntur piscinarum ruinæ.

Q. Hortensi oratoris autem villa in sinu Baiano iuxta Baulos fuit, cuius ruinæ partim in vndis marinis, partim in litore visuntur. Ipsum ibidem

ibidem habuisse magnificentissimas piscinas  
constat, cum stagnis item sub monte tectis. Vir  
er enim erat in similes luxus ultra modum pro-  
pensus, quem saepius M. Cicero caussam ob-  
tandem salse frigillat: ipsum Tritonem appelle-  
lans, & piscinariū beatum: quod eius pisces ci-  
cures ad manū vocati venirent, & quod mu-  
renæ mortem flere posset; quodque potenti  
amicō duos ē viuariis mullos, duos se lubentius  
lecticæ suæ mullos daturum dixerit. Villam  
hanc Hortensianam possedit postea Claudiū  
Imperatoris matrem Antoniam Neronis Drusi,  
& in iisdem piscinis amatæ sibi murenæ inau-  
res addidisse Plinius scribit: eiusque propter fa-  
mam nonnullos videre Baulos concupiisse. An  
in eadem deinde villa Neronis Cæsarīs mater  
Agrippina filij iussu trucidata fuerit, dubito:  
certè si non in eadem, haud dubiè proxima fuit  
illa Agrippinæ; quantum ex Corn. Tacito col-  
ligi potest: qui Annalium xiv. scribit Nero-  
nem Bajis existentem matri aduentanti Antio-  
per mare obuium exiisse in litora, manu &  
complexu excepisse, & duxisse Baulos. Id, inquit,  
ville nomen est, quæ promontorium Misenum inter, &  
Baianum lacum flexo mari alluitur. Ad Baulos igit-  
ur & ad Lucrini fauces fuisse istam, sortitam  
que nomen à vetusto loci nomine, Tacitus  
ostendit. Fabulantur autem Herculem cùm  
Geryonis per Italiam boues ageret, eo loci sta-  
bulasse, nec non aggerem inter Lucrinum la-  
cum, marisque fretum fecisse boum traducen-  
dorum gratia, sicut Strabo tradit. Hinc prius  
Baulia locum dictum Seruius Virgilij commen-  
tator ait: posteros corrupisse vocem, & Baulos  
breuitatis caussa dixisse. Cùm igitur ad Miseni  
radices inter Lucrinum & Baianum sinum fue-  
rint Bauli: Neronem natatoriam piscinam suam  
inde per Lucrini margines ad Quernum duxisse

vc-

verisimilius videtur. Hoc enim ex Suetonio  
ferè colligere possumus, cuius paulò antè lo-  
cum adduximus.

Habuit & in vicinia villam cū piscinis Domi-  
nia Neronis amita, in Baiano sinu; cuius Agrip-  
pina meminit obiter apud Tacitum lib xiiij. di-  
cens Domitiam Baianum suarum piscinas excolluisse,  
cum ipsa Nerom adoptionem, & cetera adiuvicendo m-  
perio præpararet. Nec præterit Dio Cassius,  
scribens Neronem amitæ Domitiæ veneno  
sublata bona possessionesque, quæ Baiis, & ad  
mare Rauennas habebat, inuaniisse. Ceterum  
erga matrem, atque suos magis pius Alexander  
Seneca Imp. fuit. Nam ut apud Ælium Lam-  
pridium legimus, præter ea quæ Romæ in ho-  
norem matris Iuliae Mammeæ construxerat ædi-  
ficia: palatum etiam magnificentissimum cum  
stagno, quod Mammeæ vocavit, exstruxit. Sic &  
alia ibidem opera magnifica, in honorem affi-  
nium suorum, & itagna stupenda, admisso ma-  
tri, fecit. Ut opinatur Ferrans Lofredus, Mar-  
chio Treuicinus, iuxta Baias illud Mammeæ  
Palatum fuit.

Atque ibidem sub monte apud sudatorium,  
& calidos fontes villa C. Pisonis: ad quam Nero  
Imp. eius amœnitate captus crebro ventitabat,  
balneaque & epulas inibat, omissis excubiis, &  
fortunæ suæ mole: quemadmodum ait Tacitus  
annalium xv. In eadem autumant, & haud  
vero dissimile est, ipsum epulis in multam no-  
ctem protractis illusisse matri Agrippinæ inui-  
tatae ad Quintuatrium solemnia, cum inde na-  
uigio repetentem nocte Baulos villam suam,  
naufragio per insidias præparato perdere vellent:  
sicut Suetonius & Tacitus pulchrè describunt.  
Iam verò primos etiam illos principes, ad quos  
fortuna populi Romani publicas opes transtu-  
lit, C. Marium, Cæsarem, atque Pompeium Ma-  
gnum

gnum Anneius Seneca docet epistola LII. ad Lucilium villas suas in regione Baiana summis montium iugis imposuisse, potiusque castra eas fuisse, quam villas. Videbatur enim, inquit, hoc magno militare ex edito speculari longè latèq; subiecta,

C. MARI VILLA QVAE  
postea Luculli.

**D**E Mari villa suffragatur idem ferè Plinius libro XVII. cap. VI. Posuit, inquit, in Misene villam C. Marini septies consul, sed peritia castram:andi: sic ut comparatos ei ceteros etiam Sulla Felix Cecos fuisse diceret. Hanc à Lucullo possessam, & ampliatam fuisse diximus, & Miseno proximam, quà classis portum spectat.

**C. Cæsaris** autem dictatoris villa supra Baias in monte fuit, quod ex Taciti verbis colligimus, qui xiv. Annalium scribit Agrippinam occiso Nerone tandem domesticorum cura leuem accepisse tumulum, viam Miseni propter, & villam Cæsaris dictatoris, quæ subiectos sinus editissima prospectabat. Et visuntur adhuc eius insignia fundamenta supra templum Veneris, cuius ruinæ suum vetus nomen adhuc retinent.

**Magni Pompeij** villam locant in monte tertio inter Avernus & vicinum sudatorium Tritulinum: aiuntque restare cognominis vestigia in loco, & repartam ibidem olim esse Pompeij Magni statuam.

M. CICERONIS ACADEMIA VILLA.

**A**T M. Ciceroni ubi fuerit villa scriptis eius immortalis, quam velut Musarum suarum sedem sèpius laudat: nobis veluti digito demonstrat Plinius libro XXXI. cap. ij. occurrisse videlicet illam ab Aenino lacu Puteolos tendentibus